

**KOMITMEN WARGA TUA TERHADAP KEAGAMAAN SATU KAJIAN  
DI KUCHING, SARAWAK**

**HASMAH BINTI SABKI**

Projek ini merupakan salah satu keperluan kursus untuk mendapat  
Ijazah Sarjana Muda Kaunseling dengan Kepujian

Fakulti Sains Kognitif dan Pembangunan Manusia  
UNIVERSITI MALAYSIA SARAWAK  
2005

## **PENGHARGAAN**

Syukur ke hadrat Allah s.w.t kerana dengan limpah dan kurniaNya, saya dapat menyempurnakan dan menghasilkan penulisan kajian ini.

Saya ingin merakamkan jutaan terima kasih buat penyelia projek tahun akhir saya, Profesor Madya Puan Zuraidah Abdul Rahman yang telah banyak membantu saya sepanjang menjalankan kajian ini. Terlalu banyak tunjuk ajar yang telah diberikan kepada saya dan saya benar-benar menghargainya. Jasa beliau amat banyak dalam usaha saya membantu menyiapkan kajian ini.

Jutaan terima kasih kepada kakak saya, Masitah Sabki dan Wan Sabki kerana sentiasa memberikan dorongan dan bantuan dari pelbagai segi. Buat Hyril Farithz Ahmad, bantuan dan sokongan serta kasih sayang yang diberikan walau dalam apa jua keadaan semasa saya menjalankan kajian ini amat dihargai dan tiada kata dapat menggambarkan ucapan terima kasih saya. Buat adik beradik yang lain terima kasih atas kasih sayang anda semua berikan terhadap adik bongsu kalian ini. Buat arwah Mak dan Bapa saya, segala nasihat dan kasih sayang yang pernah kita lalui bersama akan saya ingati selamanya.

Jutaan terima kasih saya juga ingin dirakamkan buat semua responden yang sudi ditemubual dan meluangkan masa untuk saya, bagi menyiapkan kajian ini.

Buat semua rakan-rakan seperjuangan semoga kita semua mencapai cita-cita yang diimpikan.

Terima kasih kepada semua yang terlibat sama ada secara langsung dan tidak langsung dalam kajian ini.

## JADUAL KANDUNGAN

|                         |      |
|-------------------------|------|
| <b>Penghargaan</b>      | iii  |
| <b>Jadual Kandungan</b> | iv   |
| <b>Senarai Jadual</b>   | vi   |
| <b>Abstrak</b>          | vii  |
| <b>Abstract</b>         | viii |

### 1. BAB SATU: PENGENALAN

|  |    |
|--|----|
| 1.0 Pendahuluan  | 1  |
| 1.1 Penyataan Masalah  | 2  |
| 1.2 Objektif Kajian  | 3  |
| 1.2.1 Objektif Umum  | 3  |
| 1.2.2 Objektif Khusus  | 4  |
| 1.3 Kepentingan Kajian                                       | 4  |
| 1.4 Persoalan yang akan dikemukakan bagi menjawab kajian ini | 5  |
| 1.5 Limitasi Kajian  | 7  |
| 1.6 Definisi Konsep dan Operasional Bagi                     | 9  |
| 1.6.1 Komitmen Keagamaan                                     | 9  |
| 1.6.2 Warga Tua  | 10 |
| 1.6.3 Amalan   | 11 |
| 1.6.4 Kepercayaan  | 12 |
| 1.6.5 Kepuasan Hidup   | 12 |
| 1.7 Kesimpulan   | 13 |

### 2. BAB DUA: SOROTAN KAJIAN

|   |    |
|---|----|
| 2.0 Pendahuluan   | 14 |
| 2.1 Kajian Lepas yang berkaitan   | 14 |
| 2.2 Hipotesis yang telah dikemukakan dan Model Lepas yang berkaitan dengan Komitmen Keagamaan dan Warga Tua | 19 |
| 2.2.1 Hipotesis yang telah dikemukakan  | 19 |
| 2.3 Teori-teori dalam Kajian terdahulu iaitu <i>Spirituality and Religion in Gerontological Theories</i>    | 20 |
| 2.3.1 <i>Disengagement Theory</i>   | 21 |
| 2.3.2 <i>Activity Theory</i>  | 21 |
| 2.3.3 <i>Continuity Theory</i>  | 22 |
| 2.3.4 <i>Symbolic Interactionism</i>  | 23 |
| 2.3.5 <i>Exchange Theory</i>  | 24 |
| 2.3.6 <i>Stage Theory</i>   | 25 |
| 2.3.7 <i>Stratification and subculture theories</i>   | 26 |
| 2.3.8 <i>Conflict Theory</i>  | 26 |
| 2.4 Kesimpulan  | 26 |

### **3. BAB TIGA: KAE DAH PENYELIDIKAN**

|       |  |    |
|-------|--|----|
| 3.0   | Pendahuluan  | 27 |
| 3.1   | Rekabentuk Kajian  | 27 |
| 3.1.1 | Latarbelakang <i>Grounded Theory</i>                                 | 28 |
| 3.1.2 | Pendekatan dan Kaedah yang digunakan dalam<br><i>Grounded Theory</i> | 28 |
| 3.2   | Tempat Kajian  | 29 |
| 3.3   | Subjek Kajian  | 29 |
| 3.4   | Jadual Kerja (Untuk Temuramah)                                       | 30 |
| 3.5   | Kaedah Pengumpulan Data  | 30 |
| 3.6   | Pengurusan Data  | 31 |
| 3.7   | Strategi Analisa Data  | 31 |
| 3.8   | Kesimpulan   | 32 |

### **4. BAB EMPAT: PENG ANALISAAN DATA**

|     |  |    |
|-----|--|----|
| 4.0 | Pendahuluan  | 33 |
| 4.1 | Demografi / Latarbelakang Responden                            | 33 |
| 4.2 | Komitmen Keagamaan (Amalan, Kepercayaan dan<br>Kepuasan Hidup) | 39 |
| 4.3 | Kesimpulan   | 48 |

### **5. BAB LIMA**

|     |            |    |
|-----|------------|----|
| 5.0 | Pengenalan | 49 |
| 5.1 | Ringkasan  | 49 |
| 5.2 | Rumusan    | 51 |
| 5.3 | Cadangan   | 53 |
| 5.4 | Kesimpulan | 54 |

|                |    |
|----------------|----|
| <b>Rujukan</b> | 55 |
|----------------|----|

#### **Lampiran 1**

|                                |    |
|--------------------------------|----|
| Transkripsi Temubual Responden | 58 |
|--------------------------------|----|

#### **Lampiran 2**

|                 |    |
|-----------------|----|
| Soalan Temubual | 75 |
|-----------------|----|

#### **Lampiran 3**

|                   |    |
|-------------------|----|
| Senarai Responden | 77 |
|-------------------|----|

#### **Lampiran 4**

|                                   |    |
|-----------------------------------|----|
| Senarai Borang Maklumat Responden | 78 |
|-----------------------------------|----|

## **SENARAI JADUAL**

|  |    |
|--|----|
| <b>Jadual 4.1</b>                                      |    |
| Jantina  | 34 |
| <b>Jadual 4.2</b>                                      |    |
| Umur   | 34 |
| <b>Jadual 4.3</b>                                      |    |
| Kaum   | 35 |
| <b>Jadual 4.4</b>                                      |    |
| Status Perkahwinan                                     | 35 |
| <b>Jadual 4.5</b>                                      |    |
| Agama  | 36 |
| <b>Jadual 4.6</b>                                      |    |
| Tahap Pendidikan                                       | 36 |
| <b>Jadual 4.7</b>                                      |    |
| Tahap Kesihatan  | 37 |
| <b>Jadual 4.8</b>                                      |    |
| Menetap  | 38 |
| <b>Jadual 4.9</b>                                      |    |
| Pendapatan Bulanan                                     | 38 |
| <b>Jadual 4.10</b>                                     |    |
| Pekerjaan  | 39 |
| <b>Jadual 4.11</b>                                     |    |
| Berkenaan amalan yang dilakukan oleh responden         | 41 |
| <b>Jadual 4.12</b>                                     |    |
| Berkenaan kepercayaan yang dilakukan oleh responden    | 44 |
| <b>Jadual 4.13</b>                                     |    |
| Berkenaan kepuasan Hidup yang dilakukan oleh responden | 46 |

## **ABSTRAK**

### **KOMITMEN WARGA TUA TERHADAP KEAGAMAAN SATU KAJIAN DI KUCHING SARAWAK**

**Hasmah Binti Sabki**

Kajian ini dijalankan bertujuan untuk mengetahui dan mengenalpasti komitmen warga tua terhadap keagamaan di Kuching, Sarawak. Kajian ini mengkaji 3 aspek komitmen keagamaan iaitu amalan, kepercayaan dan kepuasan hidup. Sampel kajian terdiri daripada 10 orang responden iaitu 6 responden perempuan dan 4 responden lelaki. Rekabentuk kajian ini ialah kajian kualitatif berdasarkan kaedah '*Grounded Theory*' iaitu temubual individu. Hasil temuramah dengan 10 orang responden di sekitar Kuching mendapati bahawa kesemua responden menyatakan komitmen keagamaan memang mempunyai kaitan dengan peningkatan usia melalui amalan yang dilakukan, kepercayaan terhadap aspek ketuhanan dan kepuasan yang didapati hasil daripada memberikan komitmen kepada agama. Di antara cadangan pengkaji untuk kajian yang akan datang ialah menggunakan sampel yang lebih besar, membuat perbandingan dari segi demografi, memperbanyakkan aspek komitmen keagamaan yang dikaji, contohnya peningkatan usia dan bagaimana warga tua mengatasinya.

## **ABSTRACT**

### **COMMITMENT OF THE OLDER PEOPLE TOWARDS RELIGION A RESEARCH IN KUCHING, SARAWAK**

*Hasmah Binti Sabki*

*The purpose of this research is to determine the commitment of the older people towards religion, in Kuching, Sarawak. This research determined the 3 aspects in religious commitment, that is, practices, beliefs and life satisfaction. The research sample consists of 10 respondents, 6 females and 4 males. This is a qualitative research design based on Grounded Theory focused on individual interview. From the interview of the 10 respondents around Kuching, shows that all respondents stated that religious commitments related to aging through practices, belief in God and life satisfaction. The highest commitment in term of religious practices is reading the Quran or Bible. While the highest commitment to religion in term of beliefs is thinking of God. The highest commitment to religion in term of life satisfaction are experiencing peace, religious satisfaction and life now and the life here after. The researcher forwards suggestions for the next research, such as using a larger sample, examining demographic differences and other elements of religious commitments such as coping with life difficulties.*

## **BAB SATU**

### **PENGENALAN**

#### **1.0 Pendahuluan**

Ahli Psikologi Starbuck (1911) dalam Moberg (2001) telah membuat kesimpulan hasil daripada kajian yang telah dibuat, individu akan lebih cenderung ke arah kerohanian apabila usia meningkat. Tambahan lagi, “Pengharapan dan kepercayaan kepada tuhan meningkat mengikut perubahan usia” (Baker dan Nussbaum, 1997, muka surat 34). Berdasarkan Beit-Hallahmi & Argyle, 1997; Chamberlain & Zika, 1998; menyatakan dalam masyarakat barat ada hubungan yang positif diantara aspek keagamaan dengan pertambahan usia warga tua ini.

Model Bahr (1970) dalam Moberg (2001) telah memperkenalkan empat perkara yang dapat dikenalpasti apabila pertambahan usia dengan warga tua mempunyai kaitan iaitu, ‘*Traditional*’ melihat kepada tradisi keagamaan seseorang tersebut, ‘*Lifetime Stability*’ melihat kepada peningkatan usia, iaitu

menghadirkan diri ke gereja mempunyai kaitan dengan komitmen keagamaan yang berterusan kerana apabila seseorang individu tersebut pada usia pertengahan tahun sudah mula menghadirkan diri ke gereja maka sikap ini akan berterusan sehingga meningkatnya usia, ‘*Family Life Cycle*’ mengenalpasti pengaruh keagamaan seseorang ibu terhadap anaknya dan ‘*Progressive Disengagement Model*’ melihat kepada pemisahan dan penurunan terhadap aktiviti dan sistem sosial ini.

Rentetan dari perkara ini pengkaji seperti Moberg (1997) menyatakan perbezaan komitmen terhadap keagamaan sememangnya wujud antara kumpulan usia. Selain itu Barna Research Group (Barna 1994) dalam Moberg (1997) juga mendapati responden yang berusia 60 dan 70 tahun menyatakan agama penting dalam kehidupan mereka berbanding mereka yang dalam usia pertengahan. Disebabkan perkara inilah, kajian ini dibuat untuk melihat sendiri tahap komitmen keagamaan warga tua tempatan dalam tiga aspek utama iaitu amalan, kepercayaan dan kepuasan hidup.

### **1.1 Penyataan Masalah**

Terdapat beberapa pernyataan masalah yang dikenalpasti mengenai komitmen keagamaan terhadap warga tua berdasarkan persoalan kajian yang menjadi asas kepada permasalahan yang dikaji ini, dari segi amalan, yang pertama iaitu mengenalpasti apakah amalan keagamaan yang dipraktikkan oleh warga tua?, kedua mengetahui sejak bilakah warga tua ini melakukan amalan keagamaan ini?, ketiga mencari jawapan setakat mana amalan keagamaan membantu mereka dalam menyelesaikan masalah?, keempat mengenalpasti berapa kerapkah amalan

keagamaan tersebut dilakukan?, kelima adakah warga tua ini banyak melibatkan diri dalam aktiviti keagamaan dan ingin mengetahui apakah jenis penyertaan aktiviti keagamaan yang mereka lakukan? dan yang keenam ialah mencari jawapan samada amalan keagamaan yang dilakukan merupakan salah satu cara warga tua ini memberi komitmen terhadap agama?.

Dari segi kepercayaan, yang pertama mengenalpasti dan mengetahui kepercayaan warga tua terhadap aspek ketuhanan?, kedua bagaimana cara mereka mempercayai aspek ketuhanan ini? dan yang ketiga ialah adakah kepercayaan ini mempengaruhi komitmen keagamaan warga tua ini?

Dari segi kepuasan hidup, yang pertama mengenalpasti dan mengetahui kepuasan hidup apabila warga tua lebih cenderung ke arah keagamaan?. Yang kedua, bagaimana komitmen dari segi beragama ini memberi kepuasan dalam kehidupan mereka?. Yang ketiga, Apakah jenis-jenis kepuasan yang diperolehi hasil daripada memberikan komitmen keagamaan? dan yang ke empat adakah aktiviti dan amalan serta kepercayaan yang warga tua ini lakukan mendatangkan kesan yang baik?.

Permasalahan inilah yang merupakan persoalan dan pernyataan masalah yang dikaji dan akan dijawab pada bab empat nanti.

## **1.2 Objektif Kajian**

### **1.2.1 Objektif Umum**

Tujuan utama kajian ini adalah untuk mengetahui pernyataan warga tua adakah benar komitmen keagamaan mempunyai hubungkait dengan meningkatnya usia warga tua.

## **1.2.2 Objektif Khusus**

**1.2.2.1** Mengenalpasti dan mengetahui amalan keagamaan yang diamalkan oleh warga tua tersebut dan bagaimana ianya mempengaruhi individu tersebut.

**1.2.2.2** Mengenalpasti kepercayaan warga tua terhadap aspek ketuhanan dan keagamaan dan bagaimana cara mereka mempercayai aspek ketuhanan ini dengan peningkatan usia mereka.

**1.2.2.3** Mengenalpasti apakah kepuasan hidup warga tua apabila lebih cenderung kearah keagamaan.

## **1.3 Kepentingan Kajian**

Kepentingan kajian ini adalah untuk melihat keperluan warga tua dalam proses peningkatan usia dan kajian ini dapat memperlihatkan faedah dari segi berikut:

Membantu organisasi yang berkaitan dengan warga tua untuk merancang dan melaksanakan program-program yang berkesan dalam menyelesaikan masalah yang membenggu warga tua. Berdasarkan *National Welfare Policy* (1990) yang dinyatakan dalam *Ageing in Sarawak: Impact, Needs and Emerging Issues* UNIMAS (2004) telah mengenalpasti yang warga tua merupakan kumpulan sasaran yang akan diberikan perhatian oleh Kementerian Kesihatan. Disebabkan itu keperluan program intervensi dan perkhidmatan kumpulan sokongan amatlah diperlukan dalam melaksanakan program yang berkesan dalam membantu warga tua ini dan disebabkan itu data dan hasil kajian yang tepat dapat membantu pelaksanaan program yang berkesan terhadap warga tua.

Di sini pihak-pihak yang terlibat seperti kaunselor dan pekerja sosial boleh mengenalpasti apakah gambaran sebenar tentang persepsi warga tua terhadap aspek keagamaan apabila usia meningkat. Berdasarkan Fischer (1992) dalam Moberg (2001) menyatakan golongan profesional yang bekerja dengan warga tua perlu membantu golongan ini meneroka bidang kerohanian (keagamaan) dalam menjalankan tugas-tugas kerohanian.

Aspek-aspek yang dikaji dalam kajian ini dapat memberikan ilmu pengetahuan dan informasi terkini kepada masyarakat sekeliling untuk membantu warga tua ini dalam menghadapi perubahan dalam hidup mereka.

#### **1.4 Persoalan yang akan dikemukakan bagi menjawab kajian ini**

Terdapat beberapa persoalan kajian yang telah dikemukakan oleh pengkaji bagi membantu memudahkan perjalanan kajian ialah:

##### **1.4.1 Amalan**

- 1.4.1.1 Mengenalpasti apakah amalan keagamaan yang diperaktikkan oleh warga tua?
- 1.4.1.2 Mengetahui sejak bilakah warga tua ini melakukan amalan keagamaan ini?
- 1.4.1.3 Mencari jawapan setakat mana amalan keagamaan membantu mereka dalam menyelesaikan masalah?
- 1.4.1.4 Mengenalpasti berapa kerapkah amalan keagamaan tersebut dilakukan?

- 1.4.1.5 Adakah warga tua ini banyak melibatkan diri dalam aktiviti keagamaan dan ingin mengetahui apakah jenis penyertaan aktiviti keagamaan yang mereka lakukan?
- 1.4.1.6 Mencari jawapan samada amalan keagamaan yang dilakukan merupakan salah satu cara warga tua ini memberi komitmen terhadap agama?

#### 1.4.2 Kepercayaan

- 1.4.2.1 Mengenalpasti dan mengetahui kepercayaan warga tua terhadap aspek ketuhanan?
- 1.4.2.2 Bagaimana cara mereka mempercayai aspek ketuhanan ini?
- 1.4.2.3 Adakah kepercayaan ini mempengaruhi komitmen keagamaan warga tua ini?

#### 1.4.3 Kepuasan Hidup

- 1.4.3.1 Mengenalpasti dan mengetahui kepuasan hidup apabila warga tua lebih cenderung ke arah keagamaan?
- 1.4.3.2 Bagaimana komitmen dari segi beragama ini memberi kepuasan dalam kehidupan mereka?
- 1.4.3.3 Apakah jenis-jenis kepuasan yang diperolehi hasil daripada memberikan komitmen keagamaan?
- 1.4.3.4 Adakah aktiviti dan amalan serta kepercayaan yang warga tua ini lakukan mendatangkan kesan yang baik?

Hasil dapatan kajian pada akhir kajian nanti akan memberikan jawapan kepada setiap persoalan kajian yang telah dikemukakan. Oleh sebab itu, persoalan ini juga memainkan peranan penting dalam menerangkan hasil kajian nanti supaya tidak terpesong dari apa yang ingin dicari dan dikenalpasti.

### **1.5 Limitasi Kajian**

Kajian ini mempunyai limitasi dari segi mencari responden yang sihat dan cergas untuk melancarkan lagi kajian ini. Namun begitu pendekatan yang sesuai adalah dari kaedah kualitatif kerana kebanyakan mereka suka bercerita dan suka didekati barulah golongan ini sanggup memberikan kerjasama.

Berdasarkan Sidek Mohd Noah (2003) menyenaraikan beberapa kelemahan dari segi teknik yang digunakan dalam kajian kualitatif di antaranya iaitu kaedah temuduga individu. Di antara limitasi kaedah temuduga individu yang disenaraikan ialah a) implikasi kewangan atau kos yang tinggi di samping masa yang lebih lama untuk menyelesaiannya, b) penemuduga juga berkemungkinan tanpa disedari boleh menyinggung perasaan responden dengan isu-isu yang sensitif seperti ras, taraf sosioekonomi, budaya dan sebagainya, c) kaedah ini juga memerlukan penemuduga benar-benar mahir dan terlatih, d) kelemahan lain berkemungkinan ialah konflik personaliti dan berlakunya *bias* di pihak penemuduga.

Sampel yang digunakan juga kecil, dapatan yang dihasilkan nanti tidak luas dan menyeluruh. Berdasarkan Reisman (1991) penggunaan analisis penceritaan tidak boleh digunakan untuk kajian yang memerlukan sampel yang banyak, besar dan tidak secara bersemuka, dalam pada itu kaedah ini adalah

lambat dan ‘*painstaking*’. Geertz (1983) pula menyatakan pendekatan teknik analisis penceritaan ini merupakan teknik yang ‘*Blurr Genre*’.

Berdasarkan Moberg (2001) menyatakan limitasi dalam kajian keagamaan biasanya dipengaruhi oleh faktor-faktor berikut a) kepercayaan agama dan sifatnya adalah berbagai atau majmuk, b) kebiasaan pengkaji akan membuat kesimpulan berdasarkan satu agama dan satu kumpulan sahaja, c) definisi keagamaan adalah luas dan pelbagai dan kadangkala tidak tetap dan sesuai untuk kumpulan lain, d) pengukuran dan penunjuk keagamaan yang digunakan dalam kajian sememangnya terlalu banyak dan pelbagai, e) metodologi dan teknik yang digunakan dalam kajian terhadap keagamaan sangat banyak, setiap satunya menggambarkan gambaran tentang kajian dan kajian yang kadangkala mempunyai perspektif yang berlainan, f) kaedah yang digunakan kadangkala *bias* terhadap nilai yang dipegang oleh pengkaji baik dalam keadaan sedar dan tidak sedar, sikap sampel yang disiasat, pemilihan soalan dan topik yang ingin diteroka, teori yang dijadikan panduan kajian diambil dari budaya lain, limitasi perkongsian kerana budaya dan agama yang berbeza antara pengkaji dan sampel, *halo effect* apabila mula-mula berjumpa kebiasaan sikap dan kepercayaan sebenar tidak dapat dilihat dan yang terakhir ialah g) terlalu banyak cara untuk menginterpretasi dan membuat laporan tentang dapatan kajian yang mana kadangkala dapatan sesuatu kumpulan tidak sama dengan dapatan kumpulan yang lain kerana perbezaan budaya.

## **1.6 Definisi Konsep dan Operasional bagi**

### **1.6.1 Komitmen Keagamaan**

#### Definisi Konseptual:

Berdasarkan Paul W. Foos & M. Cherie Clark (2003) mendefinisikan komitmen keagamaan ialah komuniti yang terdiri daripada individu yang berkongsi kepercayaan dan bersama-sama melakukan aktiviti keagamaan.

Zinbaueer & Colleagues (1997) dalam Moberg (2001) mendefinisikan agama merangkumi kepercayaan perseorangan (kepercayaan dengan ketuhanan) dan amalan organisasi seperti aktiviti gereja dan komitmen terhadap sistem kepercayaan dalam sesuatu agama. Ianya berkaitan dengan tahap yang tinggi dalam *authoritarianism religious orthodoxy, parental religious attendance, self righteousness* dan kehadiran ke gereja.

#### Definisi Operasional:

Komitmen keagamaan mengikut persoalan kajian yang ingin dikenalpasti ialah :

Amalan keagamaan di antaranya a) Mengenalpasti apakah amalan keagamaan yang dipraktikkan oleh warga tua, b) Mengetahui sejak bilakah warga tua ini melakukan amalan keagamaan ini, c) Mencari jawapan setakat mana amalan keagamaan membantu mereka dalam menyelesaikan masalah, d) Mengenalpasti berapakah kerapkah amalan keagamaan tersebut dilakukan, e) Adakah warga tua ini banyak melibatkan diri dalam aktiviti keagamaan dan ingin mengetahui apakah jenis penyertaan aktiviti keagamaan yang mereka lakukan, f) Mencari jawapan samada amalan keagamaan yang dilakukan merupakan salah satu cara warga tua ini memberi komitmen terhadap agama?

Kepercayaan di antaranya, a) Mengenalpasti dan mengetahui kepercayaan warga tua terhadap aspek ketuhanan, b) Bagaimana cara mereka mempercayai aspek ketuhanan ini, c) Adakah kepercayaan ini mempengaruhi komitmen keagamaan warga tua ini.

Kepuasan hidup di antaranya, a) Mengenalpasti dan mengetahui kepuasan hidup apabila warga tua lebih cenderung ke arah keagamaan, b) Bagaimana komitmen dari segi beragama ini memberi kepuasan dalam kehidupan mereka, c) Apakah jenis-jenis kepuasan yang diperolehi hasil daripada memberikan komitmen keagamaan, d) Adakah aktiviti dan amalan serta kepercayaan yang warga tua ini lakukan mendatangkan kesan yang baik.

### **1.6.2 Warga Tua**

#### Definisi Konseptual:

Berdasarkan *The U.S. Bureau of The Cencus* (1993) dalam Cary S. Kart & Jennifer M. Kinney ( 2001) menyenaraikan 3 kategori golongan tua iaitu ‘*The Young-old*’ (usia diantara 65-74 tahun), ‘*The Middle-old*’ (usia di antara 75-84 tahun) dan ‘*The Old-old*’ (usia 85 dan keatas).

Berdasarkan definisi warga tua Malaysia dalam *Ageing in Sarawak: Impact, Needs and Emerging Issues* UNIMAS (2004) menyatakan warga tua adalah mereka yang berumur 60 tahun ke atas.

#### Definisi Operasional:

Warga tua yang dipilih adalah dari golongan ‘young old’ iaitu umur di antara 65-80 tahun ke atas kerana pada usia ini warga tua diandaikan senang melibatkan diri

dalam aktiviti keagamaan dan aktiviti yang lain kerana sudah bersara dan mempunyai kecenderungan ke arah komitmen keagamaan.

### **1.6.3 Amalan**

#### Definisi Konseptual:

Berdasarkan Donahue (1985) dalam Donahue (1998) menyatakan keagamaan merupakan salah satu cara untuk warga tua bersosial dan menyesuaikan diri dengan sekeliling, berdasarkan definisi ini juga (Cutler, 1976, Ellison Boardman, Williams & Jackson 2001: Guy 1982, Idler, 1987 & Kaslt, 1992; Morris, 1991) dalam Ellison (2001) mendefinisikan amalan keagamaan yang biasanya digunakan untuk mengukur keagamaan adalah melalui *religious affiliation*, aktiviti keagamaan seperti kehadiran ke gereja.

#### Definisi Operasional:

Mengenalpasti apakah amalan keagamaan yang dipraktikkan oleh warga tua, mengetahui sejak bilakah warga tua ini melakukan amalan keagamaan ini, mencari jawapan setakat mana amalan keagamaan membantu mereka dalam menyelesaikan masalah, mengenalpasti berapa kerapkah amalan keagamaan tersebut dilakukan, adakah warga tua ini banyak melibatkan diri dalam aktiviti keagamaan dan ingin mengetahui apakah jenis penyertaan aktiviti keagamaan yang mereka lakukan dan mencari jawapan samada amalan keagamaan yang dilakukan merupakan salah satu cara warga tua ini memberi komitmen terhadap agama.

#### **1.6.4 Kepercayaan**

##### Definisi Konseptual:

Menurut (Elllison, 1983) kepercayaan adalah hubungan yang positif dengan ketuhanan dan kerohanian, kepercayaan ini sebagai penunjuk arah kepada komponen agama itu sendiri dan juga merupakan komponen dalam aspek sosial.

##### Definisi Operasional:

Mengenalpasti kepercayaan terhadap aspek ketuhanan dan bagaimanakah cara warga tua mempercayai tuhan dan kaitan kepercayaan ini dengan komitmen keagamaan.

#### **1.6.5 Kepuasan hidup**

##### Definisi Konseptual:

Berdasarkan Maslow (1968) dalam Hanna (2000) mendefinisikan kepuasan hidup merupakan tahap *self actualization* yang bermaksud mengecapi potensi penuh kendiri, memenuhi misi, memiliki pengetahuan yang tinggi, menerima diri sendiri dan merasa bersepada atau *unified*. Sebagai kesimpulannya, kepuasan hidup mempunyai kaitan dengan *self actualization*, di mana *self actualization* ini merupakan tahap tertinggi dalam hierarki keperluan manusia oleh Maslow.

##### Definisi Operasional:

Mengenalpasti dan mengetahui kepuasan hidup apabila warga tua lebih cenderung ke arah keagamaan, bagaimana komitmen dari segi beragama ini memberi kepuasan dalam kehidupan mereka, apakah jenis-jenis kepuasan yang diperolehi

hasil daripada memberikan komitmen keagamaan, adakah aktiviti dan amalan serta kepercayaan yang warga tua ini lakukan mendatangkan kesan yang baik.

### **1.7 Kesimpulan**

Secara kesimpulannya, banyak aspek yang perlu dilihat pada bab satu ini seperti latarbelakang kajian, penyataan masalah, objektif kajian, kepentingan kajian, limitasi kajian, definisi konsep dan operasional dan persoalan tentang kajian supaya tidak terpesong dari aspek apa yang ingin dikaji. Kesemua ini penting bagi memperlancarkan dan mempermudahkan perjalanan untuk bab-bab yang seterusnya.

## **BAB DUA**

### **SOROTAN KAJIAN**

#### **2.0 Pendahuluan**

Terdapat beberapa kajian di luar negara dan dalam negara yang telah membuat tentang hubungkait di antara peningkatan usia dan komitmen keagamaan. Selain itu disenaraikan juga hipotesis kajian yang telah dibuat oleh pengkaji-pengkaji terdahulu serta beberapa teori *Gerontology* yang dijadikan panduan dan sokongan kepada hasil dapatan kajian ini.

#### **2.1 Kajian Lepas yang berkaitan**

Diantaranya kajian luar negara pada masa lepas yang berkaitan dengan kajian ini ialah *General Social Survey* (1998) dalam Moberg (2001) mendapati kajian komitmen keagamaan yang telah dibuat oleh mereka dan mereka

mendapati hubungan yang kuat ditunjukkan antara usia dan komitmen keagamaan.

Selain itu Barna Research Group (Barna, 1994) dalam Moberg (2001) juga telah menjalankan pemerhatian dimana responden dalam usia 60-70 tahun percaya aspek keagamaan penting dalam hidup mereka.

Selain itu kajian lain yang dibuat seperti (Koenig, 1995) dalam Moberg (1990) menyatakan kajian yang dibuat olehnya mendapati peringkat kepercayaan, sikap dan pengalaman terhadap agama meningkat mengikut pertambahan usia.

Selain itu Koenig (1997) dalam Koenig (1998) telah menjalankan kajian lagi mendapati bukti kajian yang telah dibuat olehnya menunjukkan peningkatan usia memberi kesan terhadap penarikan serta kecenderungan terhadap keagamaan.

*Duke University* dalam Blazer (1991) juga menjalankan kajian dan telah mendapati ramai yang melihat bidang keagamaan adalah perkara utama apabila usia meningkat (hanya 5 peratus sahaja yang berpendapat ianya menurun).

Ahli psikologi Starbuck (1911) dalam Moberg (1990) menyatakan individu akan lebih kepada bidang agama dan lebih berharap dan percaya kepada Tuhan apabila usia meningkat (diambil dari Baker and Nusbaum, 1997, muka surat 34).

Hasil kajian Gallup Polls (1993) dalam Moberg (2001) pula menunjukkan 32 peratus sahaja individu yang berusia bawah 30 tahun menghadirkan diri ke gereja dalam setiap minggu berbanding 52 peratus golongan tua yang merasakan agama sangat penting dalam kehidupan mereka.

Lenski (1961) dalam McFadden (1976) mendapati impak keagamaan dalam kehidupan seharian dalam masyarakat moden adalah melalui sistem

institusi di dalam sesebuah komuniti (terutamanya ekonomi, politik, pendidikan dan kehidupan berkeluarga) adalah jauh lebih signifikan daripada kebanyakan kajian perubahan sosiologikal. Dapatan yang lebih kurang sama ditimbulkan berulang kali dalam kajian saintifik sosial berkenaan keagamaan.

Berdasarkan Payne (1995) menyatakan peningkatan dalam populasi warga tua, adalah menjadi satu kemestian untuk mengenalpasti dan meneroka kemungkinan-kemungkinan perkara yang boleh memberikan mereka kepuasan dalam peningkatan usia.

Mindel dan Vaughan (1978) dalam Kehn (1995) warga tua dalam kategori umur *old-old* mengurangkan penglibatan dalam organisasi keagamaan, walaupun begitu pengurangan ini sentiasa ditemani oleh tahap tinggi dalam bidang yang bukan keagamaan berbentuk organisasi seperti sembahyang, mendengar program yang berbentuk keagamaan dan muzik, menonton rancangan televisyen, dan meningkatkan bantuan untuk mendalami bidang agama untuk memahami makna kehidupan.

Selain daripada itu teori *Gerontological Function of Religion* (Rogers 1976) dalam Moberg (2001) menyatakan komitmen warga tua ini meningkat disebabkan alasan-alasan berikut iaitu, pertama lebih bersedia menghadapi kematian, di mana masalah inilah merupakan masalah yang paling utama yang akan dihadapi oleh warga tua, kedua untuk mencari dan mengukuhkan lagi makna kehidupan dan kaitan kehidupan, ketiga membantu dalam merasa redha dengan peningkatan usia dan akhir sekali tujuan bidang keagamaan ini adalah sebagai jalan untuk bersosial sesama golongan ini yang mempunyai perbincangan yang sama tentang hal keagamaan.

Berdasarkan Cary S. Kar & Jennifer M. Kinney (2001) menyatakan fungsi faktor sosial yang utama dalam aspek agama ini adalah untuk integrasi sosial di kalangan warga tua untuk menjadikan mereka lebih berfungsi dalam masyarakat, pengawalan sosial di mana agama dijadikan pegangan untuk cara pemikiran baru dan sifat baru, dan agama boleh menjadi moral atau sokongan sosial dalam menghadapi hari tua dan mengurangkan rasa diketepikan dan tidak berguna.

Berdasarkan Fischer (1992) dalam Moberg (2001) menyatakan golongan profesional yang bekerja dengan warga tua perlu membantu golongan ini meneroka bidang kerohanian (keagamaan) dalam menjalankan tugas-tugas kerohanian.

Berdasarkan Monika Ardel (2003) dalam *Journal of Gerontology* (2003) menyatakan kepercayaan warga tua adalah secara semulajadi tertanam dalam diri mereka berbanding kepercayaan hasil dari pengaruh lain dan ini yang memberikan makna dalam kehidupan mereka. Dapatan ini juga telah disokong oleh Donahue (1985) dalam Donahue (1998) menyatakan meta analisis yang telah dibuat menemui orientasi kepercayaan dengan ketuhanan secara semulajadi warga tua adalah memberikan makna dalam kehidupan mereka.

Berdasarkan definisi daripada *United Nation* dalam *Ageing in Sarawak: Impact, Needs and Emerging Issues* UNIMAS (2004) menyatakan sesebuah negeri itu adalah tua jika 7 peratus daripada penduduknya adalah terdiri dari warga tua dan kajian yang telah dijalankan dalam tahun 2003 terhadap warga tua di Malaysia mendapati sebanyak 9.39 peratus populasi warga tua yang berumur 60 tahun ke atas. Maka dengan itu, Negara Malaysia adalah negara yang tua.